

БАРЧА ҲАРАКАТЛАРИМИЗ ЗАМИРИДА ХАЛҚИМИЗ ҲАЁТИНИ ЯХШИЛАШ, ФАРЗАНДЛАРИМИЗНИНГ ЭРТАНГИ КУНИГА ЗАМИН ЯРАТИШ МАҚСАДИ МУЖАССАМ

Ўзбекистон Республикаси Президенти Шавкат Мирзиёев ҳудудларни ижтимоий-иқтисодий ривожлантириш, амалга оширилаётган бунёдкорлик ишлари ва аввал берилган топшириқлар ижроси билан танишиш мақсадида 16 май куни Андижон вилоятига келди.

Давлатимиз раҳбарининг ўтган йил 19-20 май кунлари вилоятга ташрифи чоғида ҳудудни ижтимоий-иқтисодий ривожлантириш бўйича муҳим вазифалар белгилаб берилган эди. Шу давр мобайнида улар ижросига алоҳида эътибор қаратилди. Вилоятда шахар ва қишлоқлар обод бўлиб, аҳоли фаровонлиги юксалди. Айниқса, sanoat, қурилиш, фармацевтика, кичик бизнес ва хусусий тадбиркорлик, ижтимоий соҳаларни ривожлантиришда салмоқли натижаларга эришилди. Барча макроиқтисодий кўрсаткичлар бўйича ўсиш кўзатилади.

2018 йилда Инвестиция дастури доирасида умумий қиймати 1,8 триллион сўмга тенг 411 лойиҳа амалга оширилди, 12 мингдан зиёд янги иш ўрни яратилди. Хорижий инвестициялар иштирокидаги лойиҳаларни амалга ошириш ҳисобидан 20,7 миллион АКШ доллари миқдоридан импорт ўрнини босувчи маҳсулотлар ишлаб чиқариш қувватига эга йирик корхоналар фойдаланишга топширилди. 211,2 миллион долларлик маҳсулот экспорт қилинди.

"Обод қишлоқ" дастури доирасида вилоятда танлаб олинган 50 маҳаллада кенг кўламли қурилиш-обodonлаштириш ишлари амалга оширилди. Инвестиция дастурига мувофиқ, 40 та мактабгача таълим муассасасида 97 миллиард сўмлик, "Обод қишлоқ" ва "Обод маҳалла" дастурлари доирасида 30 та муассасада 47,5 миллиард сўмлик қурилиш-таъмирлаш ишлари бажарилди. Бундан ташқари, маҳаллий бюджет маблағлари ҳисобидан 178 та мактабгача таълим муассасасида жорий, капитал таъмирлаш ва реконструкция ишлари амалга оширилди. 168 та хусусий мактабгача таълим муассасаси ташкил этилди.

Давлатимиз раҳбарининг ташрифи Хонобод шаҳридаги "Хоп tex city" масъулияти чекланган жамияти билан танишувдан бошланди.

Хонобод шаҳри узок йиллар ёпиқ ҳудуд бўлиб, sanoat ривожланмаган, кўплаб объектлар бўш ётган эди. Президентимиз 2017 йил 2 июнда бу ерга ташриф буюриб, ижтимоий-иқтисодий шароит билан яқиндан танишган, вазиятни тубдан яхшилаш бўйича чора-тадбирлар белгилаб берган эди. Шу асосда 2017-2019 йилларда Хонобод шаҳри комплекс ривожлантириш бўйича дастур ишлаб чиқилди. Унга 3 минг 200 дан зиёд лойиҳа киритилиб, 500 миллиард сўм маблағ йўналтирилди. Бунинг натижасида кўплаб корхоналар ташкил этилди ва одамлар иш билан таъминланди.

Анхор маҳалласи ҳудудидаги собиқ 4-авторкоҳона ҳам узок йиллар бекор турган эди. Унинг бинолари ва ер майдони тадбиркорларга "ноль" қийматда берилиб, ташкилий, моливий жиҳатдан кўплаб-қувватлаш чоралари қўрилди. Бугун бу ерда 13 та корхона фаолият юритмоқда. Уларда жами 685 киши ишлайди.

"Хоп tex city" масъулияти чекланган жамияти шулардан бири. Ўтган йили ишга туширилган корхонада 300 дан ортиқ моделда 50 турдаги тайёр кийим-кечак ишлаб чиқаришмоқда. Йилгига 500 минг долларлик маҳсулот экспорт қилиш режалаштирилган. Энг муҳими, 300 га яқин хотин-қиз иш билан таъминланган.

— Ушбу корхона ишсиз юрган хотин-қизлар учун айна мурддо бўлди, — дейди Мухлиса Шарофиддинова. — Ишчи-хизматчиларнинг самарали меҳнат қилиши учун барча қулайлик яратилган. Икки маҳал иссиқ овқат, транспорт хиз-

мати йўлга қўйилган. Маошни вақтида олапмиз.

Давлатимиз раҳбари корхонадаги шароитни кўздан кечирди, ишчилар билан мулоқот қилди.

Барча ҳаракатларимиз, фармон ва қарорларимиз замирида халқимиз ҳаётини яхшилаш, фарзандларимизнинг эртанги кунига замин яратиш мақсади муҳим бўлади. Шу борадаги ўзгаришлар, сизларнинг ҳаётдан розилигини кўришга мамнуният бағишлайди. Андижонга бу галги сафаримиздан мақсад ҳам одамларнинг ҳақиқий талабидан келиб чиқиб режа қилиш ва ижросини таъминлаш чораларини кўришдир, деди Шавкат Мирзиёев.

Президентимиз шаҳардаги "Хонобод" сийатгоҳида амалга оширилган ишлар билан танишди.

Денгиз сатҳидан 850 метр балангликда жойлашган сийатгоҳ кислород билан тўйинган, ионлаштирилган ҳавоси билан юқори ва қуйи нафас йўллари, асаб тизими, юрак-қон томир касалликларини даволашга ихтисослашган. Бу ерда беморлар асосан юқори ҳароратли сув билан даволанади. Иқлимий, парафин, электр-ёруғлик, фитотерапия, функционал терапия, парҳез билан даволаш ва санатория-курорт услублари кенг қўлланилади. Минерал ванналар, физиотерапия, электрофарез, гальванизация, игна билан даволаш, стоматология, косметология, галотерапия (тузли шахта), сузиш ҳавзаси, фитнес-зал, фитобар ҳам мавжуд.

Сийатгоҳдаги замонавий клиник ва био-кимёвий лаборатория, УТТ ва ЭКГ ускуналари беморларга аниқ ташхис қўйишда муҳим ўрин тутди.

Сўлим табиати билан машҳур Хонободда бир пайтлар қурила бошлаган сийатгоҳ қаровисиз ҳолда ётган эди. Шавкат Мирзиёев 2017 йил 2 июнда бу ерга келиб, уни ободонлаштириш, дам олиш учун зарур шароит яратиш бўйича топшириқлар берган эди.

180 ўринга мўлжалланган "Хонобод" сийатгоҳини барпо этиш учун 90 миллиард сўмдан ортиқ маблағ сарфланди. Даволаш бинолари, стандарт, яримлюкс ва люкс хоналар, 6 апартаментда барча шароит яратилди.

Давлатимиз раҳбари санаторийдаги шароитни кўздан кечирди. Ушбу тоғли ҳудудда энгил конструкциялардан меҳмон уйлари ташкил этиш зарурлигини таъкидлади. Хизматлар нархини камайтириб, қамровини кенгайтириш яна кўплаб одамларни иш билан таъминлашга хизмат қилишини кайд этди. Сийатгоҳ ҳудудидаги ер майдонларини тадбиркорларга бериш орқали 3 минг киши дам оладиган масканлар ташкил этиш бўйича топшириқ берди.

Шу ерда Андижон вилоятида туризмин ривожлантиришга доир лойиҳалар тақдимоти ўтказилди. Хонобод шаҳрида 2017-2019 йилларда амалга оширилган ишлар, "Кампирравот" маҳалла фуқаролар йиғини ҳудудида "Inipreks Alliance" масъулияти чекланган жамияти томонидан дам олиш масканлари барпо этиш, "Lu Yang Agroculture" хорижий корхонасининг маҳаллий мева-ли ва боғлар ва полиз экинлари, цитрус мевалар ва бодом боғларини ташкил этиш лойиҳалари ҳақида маълумот берилди.

Марҳамат туманидаги "Мингтепа" археология мероси объектида туризмин ривожлантириш лойиҳаси амалга оширилиши тарихимизни, ўзлигимизни янада чуқур англашга хизмат қилди. Бу ерга мактаб ўқувчиларини зиёратга олиб келиш керак. Бугунги авлод маданий меросимизни яхши билиши, у билан фахрланиши зарур, деди Президентимиз.

Фаоллар билан мулоқотда Хонобод шаҳрини ҳар томонлама ривожлантириш, бандликни таъминлаш ва фаровонликни ошириш масалаларига алоҳида эътибор қаратилди. Экология мусаффолигини таъминлаш, туризмни

ривожлантириш, инвестициялар жалб этиш, инновацион ёндашув, тадбиркорликни қўллаб-қувватлаш, иш ўринлари яратиш борасидаги ишларни янада такомиллаштириш зарурлиги таъкидланди.

Давлатимиз раҳбари "Khantex Group" МЧЖ томонидан Кўргонтепа тумани Учкун маҳалласида ташкил этилган пахта-тўқимачилик кластери фаолияти билан танишди.

"Khantex Group" ташкил этилганига икки йил бўлди. Корхона қарийб 9 минг гектар майдонда фермерлар билан пахта етиштириш бўйича ҳамкорлик қилади.

Шавкат Мирзиёев ўтган йил май ойида Андижон вилоятига ташрифи чоғида жамиятнинг тўқимачилик маҳсулотлари ишлаб чиқариш лойиҳаси билан танишган эди. Бугунга келиб бу режа тўла амалга оширилди - улкан йиғирув цехи биноси қурилиб, Швейцариянинг "Ритер" компаниясидан замонавий ускуналар келтириб ўрнатилди. Ҳудудда яшовчи 400 нафарга яқин аҳоли доимий иш жойига эга бўлди.

Бу — ҳали дастлабки ишлар. Кейинги босқичларда мато тўқиш, бўяш, тайёр кийим-кечак ва сочик ишлаб чиқариш режалаштирилган. Лойиҳанинг умумий қиймати қарийб 58 миллион евро бўлиб, корхона тўлиқ қувват билан иш бошлагач, йилгига 9 минг тоннадан зиёд ип-калава, қарийб 6 миллион погон-метр газлама, 10 миллион донадан ортиқ тикув-трикотаж маҳсулоти ишлаб чиқарилади, 1500 иш ўрни яратилади. Экспорт ҳажмининг 40 миллион долларга етказиш мўлжалланган.

Шунингдек, кластер негизида 2 минг тонна истеъмол ёғи, 7,5 минг тонна шрот, 5,4 минг тонна шелуха ишлаб чиқариш қувватига эга замонавий ёғ-экстракция заводи ва чорва комплекси ташкил этилмоқда.

Давлатимиз раҳбари кластернинг йиғирув цехини кириб кўрди.

Шу пайтгача жойларда турли корхоналар ташкил этиш бўйича ишладик. Энди сифатга эътибор бериш, даромадни ошириш учун шароит яратиш керак, деди Шавкат Мирзиёев.

Кластерга агротехника хизмати кўрсатиш мақсадида 19,7 миллион доллар завзига АКШнинг "John Deere" ва "Case" компанияларининг 13 турдаги 331 та замонавий қишлоқ хўжалиги техникаси келтирилган.

Давлатимиз раҳбари илгари сурган кластер усулини қишлоқ хўжалигида кенг жорий этиш бўйича ташаббус Кўргонтепа туманида тўлиқ амалга оширилмоқда. Яъни, пахтали етиштиришдан тайёр маҳсулот олишгача бўлган тизим яратилган. Пахта етиштириш ишлари тўлиқ техника ёрдамида амалга оширилмоқда, ҳосилдорлик сезиларли даражада ошган. Худуд аҳолиси кластер ташкил этган замонавий корхоналарга ишга жалб қилинапти.

Шу ерда Андижон вилоятида 2019-2020 йилларда қишлоқ хўжалиги соҳаси, аҳоли томорқасидан самарали фойдаланиш, паррандачилик, балиқчилик, асаларчилик, пиллачиликни ривожлантиришга қаратилган режалар, Ўзбекистоннинг Беларусдаги элчихонаси томонидан ишлаб чиқилган лойиҳалар муҳокама қилинди. Тошкент давлат аграр университети Андижон филиали билан Гродно давлат университети ўртасида Ўзбекистон — Беларус қўшма факультетини очиш, вилоятда ирригация ва мелиорация тизимини яхшилаш каби қатор лойиҳалар тақдимоти ўтказилди.

Президентимиз лойиҳаларни ўз вақтида ва сифатли яқунлаш бўйича мутасаддиларга кўрсатмалар берди.

Ҳўжаобод тумани Хидирша массиви бундан бир неча ой олдин яйдок адирлардан иборат эди. Бу ерда қисқа муддатда — түрт ойда барча инфраузул-иншоотларига эга замонавий мавзе қад ростлади.

Андижон шаҳри — мамлакатимиз-

нинг аҳоли энг зич яшайдиган ҳудуди. Шаҳарнинг Мустақиллик маҳалласидаги эски барак шаклидаги ҳовлиларда яқин-яқингача битта хонадонда бир нечталаб оила қийналиб яшаб келар эди.

Давлатимиз раҳбари вилоятга аввалги ташрифлари чоғида шахар аҳолисининг яшаши учун қулай шароит яратиш, Бош режага мувофиқ эски маҳаллалар ўрнида кўп қаватли турар жойлар барпо этиш бўйича тавсиялар берган эди. Шунга қўра, Мустақиллик маҳалласи аҳолиси учун Ҳўжаобод тумани Хидирша массивидан 54 гектар ер ажратилиб, шахар ҳудудида қўйиб берилди.

Жорий йилда бу ерда "Обод маҳалла" дастури асосида 2 сотихли 220 та уй, оилавий поликлиника, болалар богчаси, Хотира майдони, маҳалла гузари, кутубхона, ҳаммом, гўзаллик салони ҳамда бошқа савдо ва маиший хизмат кўрсатиш шохобчалари, тикувчилик корхонаси, маданият маркази қурилди. Маҳаллага "Мустақилликнинг 27 йиллиги" деб ном берилди.

Президент мазкур маҳалладаги бунёдкорлик ишлари билан танишди.

Янги маҳалла қурилишида аҳоли учун зарур қулайликлар эътиборга олинган. Кўчириб келинаётган оилаларнинг фарзандлари шу ердаги богчага, мактабга қатнайди, хотин-қизлар тикувчилик корхонаси, маиший хизмат кўрсатиш шохобчаларида ишлаши мумкин.

Шавкат Мирзиёев дастлаб янги ҳовли соҳибаси Дилфуза Ҳожиматова хонадонига кириб, оиланинг яшаш шароити билан қизиқди.

Давлатимиз раҳбари вилоятга ташрифидан мақсад одамларнинг ҳаёт сифатини ошириш, оилаларга имкон қадар кўпроқ энгиллик беришдан иборат эканини таъкидлади. Тинимсиз меҳнатимиз, изланишларимиз ўз мевасини бера бошлади, халқимизнинг ҳаётга қарши, муносабати ўзгарди. Бундай шином уйлارга кўчиб кирган оилалар ҳаётиндан мамнун, давлатдан рози бўлади. Энди оилаларга ўзини ўзи боқиб кўнжма-сини ҳам сингдирсак, одамлар ўз ҳовлисида асалари, товук боқишни ўрганса, боқимандалик кайфияти йўқолади, яхши яшашга интилиш кучаяди, деди Президент.

Дилфуза Ҳожиматова янги ҳовлида қизлари Фотима ва Зухра билан яшайди. Шавкат Мирзиёев ушбу ташриф оила ҳаётига яна бир қувончли воқеа билан муҳрланишини айтди — эгизакларни ўзлари танлаган олий ўқув юртига имтиёзли кириштишга ваъда берди. Бу тақлиф катта қувонч билан қабул қилинди.

Вақт кутиб турмайди. Одамларга бугун шароит яратиш бериш керак. Яшаш учун шароит бўлса, оилада қувонч, хотиржамлик, ҳаловат бўлади, барака ёғилади. Бу ҳар бир ислохотнинг асосий мазмунини ташкил этиши лозим.

Президент бу борада мутасаддиларга навбатдаги вазифаларни белгилаб берди. Мазкур маҳаллада иккинчи босқичда қуриладиган 2 сотихли 612 та уй, 168 хонадондан иборат 7 та кўп қаватли арзон турар жой, 615 ўринли мактаб, 160 ўринли болалар богчаси ҳам Андижондаги мана шу ўзгаришлар руҳига ҳамоҳанг бўлиши зарурлигини таъкидлади.

Янги маҳаллада Андижон шаҳридаги "Ферузбек текс" МЧЖнинг тикув корхонаси иш бошлади. 500 хотин-қиз ишга бўлган корхонада 60 дан зиёд турдаги катталар ва болалар кийимларини ишлаб чиқариш йўлга қўйилди.

Йилига 1,5 миллион дона маҳсулот тайёрлаш ва 950 минг долларлик кийим-кечак экспорт қилиш имкониятига эга корхонада ишчилар учун бепул иссиқ овқат, транспорт хизмати йўлга қўйилган. Бу ҳам хотин-қизларнинг ишга бемалол бориб-келиши, оиласига наф келтиришига ёрдам беради.

(Давоми 2-бетда) ►

Маълумки, жорий йил 10 майда "Баъзи давлат органлари ва ташкилотларнинг фаолияти такомиллаштирилиши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида"ги қонун қабул қилинди. Мазкур қонун асосида мамлакатимизда амалда бўлган бир қатор норматив-ҳуқуқий ҳужжатларга муҳим ўзгартиш ва қўшимчалар киритилди.

Мезон

Янги қонун: суд тизими ходимларига мансаб даражалари бериш тартибига ўзгартириш киритилди

Бу ҳақда сўз бораганда, аввал-лабор, Ўзбекистон Республикаси Олий Кенгашининг 1993 йил 2 сентябрдаги қарори билан тасдиқланган "Суд, Ўзбекистон Республикаси Судьялар олий кенгаши ҳузуридаги Одил судлов муаммоларини ўрганиш тадқиқот маркази ва Ўзбекистон Республикаси Судьялар олий кенгаши ҳузуридаги Одил судлов муаммоларини ўрганиш тадқиқот марказининг ҳуқуқ ва мажбуриятлари бўйича ҳуқуқий вориси сифатида Судьялар олий мактаби ташкил этилди.

сав даражалари тўғрисида"ги Низом деб ўзгартирилди. Бунда Президентимизнинг 2019 йил 6 январда қабул қилинган "Судьялик лавозимларига номзодларни тайёрлаш, судьялар ва судлар аппарати ходимларини қайта тайёрлаш, уларнинг малакасини ошириш тизимини тубдан такомиллаштириш чора-тадбирлари тўғрисида"ги қарориди белгиланган вазифалар муҳим аҳамиятга эгадир.

Маълумки, ушбу қарорга мувофиқ, яқинда Ўзбекистон Республикаси Судьялар олий кенгаши ҳузуридаги Одил судлов муаммоларини ўрганиш тадқиқот марказининг ҳуқуқ ва мажбуриятлари бўйича ҳуқуқий вориси сифатида Судьялар олий мактаби ташкил этилди.

(Давоми 3-бетда) ►

Жамиятимиз мақсади

Келажак олдидаги қарздорлик

бугун фарзанд тарбиясига юксак масъулият билан қарашни талаб этади



Халқимиз азалдан болажон. Хоҳ ўғил, хоҳ қиз бўлсин, фарзанд дунёга келса, Яратганнинг инъоми сифатида қабул қилиб, шукроналар айтади.

(Давоми 3-бетда) ►

Оқлов

Етмиш йилда рўёбга чиққан адолат

Қадр — улуғ, хотира — муқаддас ва барҳаёт, дейдилар. Бу ҳақиқат икки қутлуғ айём, яъни Хотира ва қадрлаш куни ҳамда Рамазон ойи арафасида ХХ асрнинг 37-50-йилларидаги қатағон қўрбони бўлган ота-болалар Мирза Тўлаев ва Абдирайим Мирзаевга нисбатан адолат тиклангани мисолида яна бир бор ўз тасдиғини топди.

Ўзбекистон Республикаси Ҳарбий суди кассация инстанциясининг 2019 йил 30 апрелдаги ажримиди, жумладан, шундай дейилган: "Туркистон Ҳарбий округи Самарқанд гарнизони ҳарбий трибунаlining 1949 йил 9 декабрдаги М.Тўлаев ва А.Мирзаевларга нисбатан чиқарилган ҳукми бекор қилинсин. Тўлаев Мирза ва Мирзаев Абдирайимларнинг ҳаракатларида жиноят таркиби бўлмаганлиги сабабли жиноят иши Ўзбекистон Республикаси Жиноят процессуал кодек-

сининг 83-моддаси 2-бандига асосан тугатилсин. М.Тўлаев ва А.Мирзаевлар айбонисиз деб топилиб, оқлансин". Бу ҳақда сўз юритганда, аввал-лабор, собиқ шўро даврида дину эътиқодида мустаҳкам турган Мирза Сўфи бобо — 10 йил, ўғли Абдирайим бобо — 6 йил қамоқ жазосига ҳукм қилинганини қайд этиш лозим. Ота-бола жазони ГУЛАГ — Ахлоқ тузатиш меҳнат колониялари бош бошқармасининг Россия ҳудудидаги лагерларида ўтаб қайтганлар.

(Давоми 2-бетда) ►

Турмуш чорраҳаларида

Мерос даъвосида жигарларимиз ҳақида хиёнат қилмайлик

Албатта, давлат ва жамият фуқаролар ўртасида соғлом муносабатлар қарор топиши, уларнинг бир-бирига меҳр-оқибатли бўлишдан ҳаминша манфаатдордир. Аммо баъзан амалдаги қонун талабларини биймаслик туфайли келиб чиқаётган мерос билан боғлиқ низолар ана шу соғлом муносабатга зиён етказиши.

(Давоми 4-бетда) ►

Олий суд раисининг ўринбосари Х. Ёдгоров ва Олий суд судьялари 11 май куни Жиззах вилояти аҳолиси билан очиқ мулоқот ўтказди.

Хабар

Вилоятларда сайёр қабуллар ўтказилди

Судьялар томонидан дастлаб Жиззах шаҳар транспорт алоқа коллежида, сўнгра Форис туман мусика ва санъат мактабида сайёр қабуллар ташкил этилди.

Сайёр қабулларда жами 104 та мурожаат қабул қилиниб, шундан жиноят ишлари юзасидан 65 нафар, фуқаролик ишлари юзасидан 26 нафар, иқтисодий ишлар бўйича 11 нафар ҳамда маъмурий ишлар бўйича 2 нафар фуқаронинг мурожаати ўрганилди.

(Давоми 4-бетда) ►



Олий суд раисининг ўринбосари Бахтиёр Исаков ҳамда Олий суд судьялари Жомбой ва Самарқанд туманларидаги Халқ қабулхоналарида оммавий сайёр қабуллар ўтказди.

(Давоми 4-бетда) ►



